

piis & conclusionibus artium & scientiarum à sapientibus discordat, laborans circa apparentias in Sophismatibus] subtilitatibus, & de quibus sapientes non curant. In propriis igitur vel secretis vulgus errat; & sic dividitur contra sapientes; sed in communibus animi conceptionibus, sub lege omnium continetur, & cum sapientibus concordat. Communia verò pauci sunt valoris, nec sunt propter se quærenda, sed propter particularia & propria. Sed causa huius latentiae vulgi fuit apud omnes sapientes, quia vulgus deridet sapientes, & [negligit] secreta sapientiae, & nescit uti rebus dignissimis: atque si aliquod magnificentum cadat in eius notitiam à fortuna, illud pervertit, & eo abutitur in damnum multiplex personarum atque communitalis. Et idem insanus est [qui aliquod secretum scribit nisi ut] à vulgo celetur, & vix à sapientibus & studiosissimis possit intelligi. Sic cucurrit tota sapientum multitudo à principio, & multis modis occultaverunt à vulgo sapientiae secreta. Nam aliqui per characteres, & carmina occultaverunt multa, alii per verba ænigmatica & figurativa, ut Aristoteles dicit in libro Secretorum. O Alexander, volo tibi ostendere secretorum maximum, & divinam potentia iuvet te ad celendam arcanum, & perficiendum propositum. Accipe igitur lapidem qui non est lapis, & est in quolibet loco, & in quolibet tempore: & vocatur ovum philosophorum, & terminus ovi. Et inveniuntur in multis libris & scientiis innumerabilia, talibus sermonibus obscurata, ut nemo intelligat sine doctore aliquo. Tertio occultaverunt per modos scribendi, scilicet per consonantes tantum, ut nemo sciat legere, nisi sciat significata dictionem, sicut Hebræi, & Chaldæi, & Syri, & Arabes secreta, imo quasi omnia pro maiori parte sic scribuntur: & ideo magna est sapientiae occultatio apud eos, & maximè apud Hebræos: quoniam Aristoteles dicit in libr. memorato, quod Deus dedit iis omnem sapientiam antequam fuerunt. Philosophi, & ab Hebræis omnes nationes habuerunt philosophiae principium. Et Albumasar in libro introductorii maioris, & alii philosophi, & Iosephus primo & octavo libro Antiquitatum hoc manifeste docent. Quarto accidit occultatio per mixtionem literarum diversi generis. Nam sic Ethicus Astronomus suam sapientiam occultavit, eo quod literis Hebræis, Græcis, & Latinis eam conscripsit in eadem serie scripturæ.

Quinto

*Al. vacans Sophismatibus & inutilibus.*

*Deerat in alio exempl.*

*modi occultandi.*

*Ab Hebræis  
sui sapientia*